

第五十二冊

卷八十四

金石考四

卷八十五

金石考五

新纂雲南通志

盧漢題

纂



卷之十五

卷之十五


卷之十五

卷之十五

卷之十五

新纂雲南通志

卷之十五



新纂雲南通志卷八十四目錄

金石考四

前期四

劉宋
唐初

爨龍顏碑

河東州刺史王仁求碑

新纂雲南通志卷八十四

金石考四

前期四

劉宋
唐初

爨龍顏碑

高九尺廣四尺五寸二十四行行四十五字碑陰題名分左右凡三層上層十五行中層十七行下層十六行每行多至十字額高二尺八寸中穿徑五寸六分穿上六行行四字題宋故龍驤將軍護鎮蠻校尉寧州刺史邛都縣侯爨使君之碑二十四

字碑文及額並正書今在陸涼州東南二十里貞元堡

君諱龍顏字仕德建寧同樂

縣

人

其

先

世

則

少

昊

顓頊之玄胄才

子祝融之眇胤也清源流而不滯深根固而不傾夏后之盛敷陳五

教勳隆九土純化

洽

於

千

古仁功播於万祀故乃耀輝西岳霸王郢

楚子文銘德於春秋斑斑朗紹蹤於季葉陽九運否蟬蛻河東逍遙中

原斑彪刪定漢記斑斑固述修道訓爰暨漢末菜邑於爨因氏族焉姻

姪媁於公族簪纓蕃乎王室迺祖肅魏尙書僕射河南尹位均九列
舒翮中朝遷運庸蜀流薄南入樹安九世千柯繁茂萬葉雲興鄉望
標於四姓邈冠穎於上京英豪繼體於茲而美祖晉寧建寧二郡太
守龍驤將軍寧州刺史考龍驤輔國將軍八郡監軍晉寧建寧二郡
太守追謚寧州刺史邛都縣侯金紫累跡朱黼充庭君承尙書之立
孫監軍之令子也容顏瑋於時倫貞操超於門友溫良沖挹在家必
聞本州禮命主簿不就三辟別駕從事史正式當朝靖拱端右仁篤
顯於朝野清名扇於遐邇舉義熙十年秀才除郎中和征西鎮遷南
蠻府行參軍除試守建寧太守剖符本邦衣錦晝遊民歌其德士詠
其風於是貫伍卿朝本州司馬長史而君素懷慷慨志存遠御萬里
歸闕除散騎侍郎進無然容退無慍色忠誠簡於帝心芳風宣於天

邑除龍驤將軍試守晉寧太守輅車越斧金章紫綬檠戟僮僭襲封
邛都縣侯歲在壬申百六邁豐州土擾亂東南二境凶豎狼暴緬戎
寇塲君收合精銳五千之衆身伉矢石撲碎千計肅清邊隅君南中
磐石人情歸望遷本號龍驤將軍護鎮蠻校尉寧州刺史邛都縣侯
君姿瑛雄之高略敦純懿之弘度獨步南境卓爾不羣雖子產之在
鄭箴以加焉是以蘭聲旣暢福隆俊嗣者矣自非愷悌君子孰能若
斯也哉昊天不吊寢疾彌篤享年六十一歲在丙戌十二月上旬薨
黎庶痛悼宋夷傷懷天朝遠感追贈中牢之饋也故吏建寧趙次之
巴郡杜長子等仰懷仁德永慕玄澤刊石樹碑褒尙休烈其頌曰
巍巍靈山峻高迢超或躍在淵龍飛紫闥邈邈君侯天姿瑛哲縉紳
踵門揚名四外束帛戔戔禮聘交會優遊南境恩沾□裔撫同方岳

勝殘去殺悠哉明后德重道融綢繆七經騫騫匪躬鳳翔京邑曾閱
此蹤如何不吊遇此繁霜良木摧枯光暉潛藏在三感慕孝友哀傷
銘邇玄石千載垂功

祖已薨背孝志存銘記良願不遂奄然早終嗣孫碩子等及乎哀感
仰尋彝訓永慕高蹤控勒在三仲秋七月登山築石樹立玄碑表殊
勲於當世流芳風於千代故記之

寧州長子麟弘早終次弟麟紹次弟麟暄次弟麟崇等建樹此碑

太明二年歲在戊戌九月上旬壬子朔嗣孫碩□碩□碩□碩萬碩
思碩□碩羅碩闡碩俗等立

近碑府主簿益州杜長子

文建寧爨道慶作

碑陰

府長史建寧爨道文

司馬建寧爨德泯

錄事參軍武昌郡劉覲

功曹參軍建寧孟慶倫

倉曹參軍建寧爨登

戶曹參軍建寧周賢

屯兵參軍雁門郡王

府功曹建寧爨

主簿建寧趙道生

以上右方
第一列

別駕建寧爨敬祖

治中晉寧趙世筏

主簿建寧爨德

主簿建寧孟叔明

西曹益楊琮子

西曹晉寧駱雄

以上左方
第一列

鎮蠻長史建寧爨世明

司馬建寧爨順靖

錄事參軍建寧毛瑋子

功曹參軍朱提李融之

倉曹參軍牂柯謝國子

戶曹參軍南廣楊道育

屯兵參軍建寧爨孫記

蠻府功曹建寧李□祖

主簿建寧孟令孫

主簿建寧孟順德

以上右方
第二列

門下建寧爨連迫

錄事弋陽□舒征

西曹建寧周令活

戶曹建寧陳世敬

省事安上輿雅□

書佐建寧孟羅

幹張孫明

以上左方
第二列

錄事孟林

西曹劉道善

戶曹尹仲常

記室張叔熬

朝□張世保

麾下都督王道盈

□□彥頭

□□汶

□□康

以上右方
第三列

門下張得

錄事萬敬

西曹尹開

戶曹來叔子

省事李道學

書佐單仲

幹盛慶子

以上左方
第三列

西晉書

晉書

晉書

晉書

晉書

曲阜桂馥跋曰碑在陸涼州蔡家堡爨君墓前碑高丈餘有穿有陰額在穿上大明二年故吏趙吹之杜葺子等所立文爲爨道慶作正書兼用隸法饒有樸拙之趣爨君名龍顏字仕德建寧同樂縣人迺祖肅仕魏爲尙書僕射河南尹君於晉義熙十年舉秀才除郎中遷南蠻府參軍試守建寧太守歸闕除散騎侍郎試守晉寧太守遷本號龍驤將軍護鎮蠻校尉寧州刺史邛都縣侯卒於丙戌案爨本蠻夷唐書所稱東爨烏蠻西爨白蠻是也碑敍世系遠舉楚之子文漢之班固風俗通云班姓楚令尹鬬班之後案班爲子文之子左傳作般猶公輸般亦作班碑雖傳會亦有典據爨氏見於載記者華陽國志昌寧大姓有爨習蜀志建寧大姓有交州刺史爨深梁武帝以爨瓚爲寧州刺

史瓚有二子曰震曰翫隋開皇十七年翫反史萬歲討降明年

入朝被戮其子宏達唐武德中爲昆州刺史又垂拱中昆州刺

史爨乾福

見唐書張柬之傳

南詔碑有南寧州都督爨歸王昆州刺史爨日

進黎州刺史爨祺螺山大鬼主爨彥昌南寧州大鬼主爨崇道

至後晉有爨判借與段思平兵以敗楊干貞是爨氏自魏歷十

數代未衰也碑中多假借及別體字如紹蹤作紹縱鉞斧作越

斧簪纓作振纓九列作九例采石作菜石憧蓋作憧愷班作斑

炤作耀匪作逋淵作淵匠作近隣作隣爨作爨兩顯字竝作顯

集古錄曰漢綏民校尉熊君碑其書顯字皆爲顯莫曉其義馥

案濕水禹貢孟子漢書地理志竝作濕字蓋隸變累爲累也諡

從益不從盆與魯俊碑同戴侗曰唐本說文有諡無諡是從益

爲正體可證徐本說文之誤碑陰幹即幹字漢碑陰亦有洪氏
隸續言之詳矣其頌以闔哲殺與遼外會裏爲韻案殺廣韻音
所界切禮器不豐不殺即此音曹植黃帝贊以哲韻制王粲誄
以闔韻又是也又以霜藏傷與融躬蹤功爲韻案東方朔七諫
以當韻功陳琳大荒賦以遘韻躬陸雲府君誄以章韻蹤可爲
比照也

見札
樸

保山袁文揆書後曰漢文惟呂陽遷答雍闓檄最古次即此碑杜
藕莊刺史久爲予言恨未之見適張春田太守命匠摹搨桂雲
雲明府從而釋文跋尾且謂尙有魏晉風規囑揆入選三君子
者亦可謂汲古情深矣因並誌之

見滇南文略
卷二十五

武進陸耀遒跋曰爨龍顏建寧同樂縣人祖父以來世爲晉寧建

寧二郡太守寧州刺史宋書地理志寧州刺史今領建寧晉寧

牂柯平蠻夜郎朱提南廣建郡西平西河陽東河陽雲南興寧

興古梁水十五郡建寧太守漢益州郡滇王國劉氏更名晉書蜀置領

縣十三同樂令晉武帝立晉寧太守晉惠帝永安太安之誤二年分建

寧西七縣爲益州郡懷帝更名晉書永嘉二年改益州郡曰晉寧合攷三國志晉書華

陽國志南中志大同志通鑑諸書蜀漢建興三年諸葛亮南征

改益州爲建寧以李恢爲太守移南中勁卒爲五部分配大姓

焦雍婁爨孟量毛李爲部曲號五子故南人言四姓五子卽碑所云鄉望標於

姓四收其俊傑建寧爨習爲官屬習官至領軍魏咸熙初建寧爨

谷爲交趾太守爨谷卒能等將兵晉武帝泰始七年分益州之

建寧興古雲南交州之永昌合四郡爲寧州太康中罷寧州置